

Broj: 0101 - 586/25

Sarajevo, 12.02.2025. godine

**POSLOVNIK O RADU KOMISIJE ZA PRIPREMANJE PRIJEDLOGA ZA DODJELU
SPECIJALIZACIJA IZ KLINIČKE FARMACIJE ZA POTREBE UNIVERZITETA U
SARAJEVU – FARMACEUTSKOG FAKULTETA**

Sarajevo, februar 2025. godine



Na osnovi članova 153. i 154. Zakona o zdravstvenoj zaštiti ("Službene novine Federacije BiH" broj 46/10 i 75/13), članova 11., 12. i 13. Pravilnika o specijalizacijama i subspecijalizacijama zdravstvenih radnika i zdravstvenih saradnika ("Službene novine Federacije BiH" broj 75/20 i 99/21), odredbi Pravilnika o kriterijima za prijem specijalizanata ("Službene novine Federacije BiH" broj 102/13, 55/14 i 99/19), Plana potrebnih specijalizacija i subspecijalizacija zdravstvenih djelatnika i zdravstvenih suradnika Kantona Sarajevo za 2024. godinu Federalnog ministarstva zdravstva, broj 02-33-6046/24 od 06.11.2024. godine te Odluke o raspisivanju konkursa za dodjelu specijalizacija, broj 0101-6879/24 od 25.12.2024. godine, Komisija na konstituirajućoj sjednici održanoj 11.02.2025. godine *donosi*

**POSLOVNIK O RADU KOMISIJE ZA PRIPREMANJE PRIJEDLOGA ZA
DODJELU SPECIJALIZACIJA IZ KLINIČKE FARMACIJE ZA POTREBE
UNIVERZITETA U SARAJEVU – FARMACEUTSKOG FAKULTETA**

I – OPĆE ODREDBE

**Član 1.
(Predmet Poslovnika)**

Ovim Poslovníkom se bliže uređuju nadležnosti, način rada, kao i druga pitanja od značaja za rad Komisije za provođenje postupka po Konkursu za dodjelu specijalizacija iz Kliničke farmacije za potrebe Univerziteta u Sarajevu – Farmaceutskog fakulteta (u daljem tekstu Komisija).

**Član 2.
(Načela)**

Rad Komisije se zasniva na načelima nezavisnosti, nepristrasnosti, javnosti i zakonitosti.

**Član 3.
(Propisi)**

Komisija provodi proceduru izbora kandidata/kandidatkinja za tri (3) specijalizacije iz Kliničke farmacije.



II – NADLEŽNOSTI I NAČIN RADA KOMISIJE

Član 4.

(Uloga stručne službe/sekretara Fakulteta)

- 1) Stručna služba/sekretar Fakulteta predsjednici Komisije dostavlja prijave na konkurs zajedno s kompletnom konkursnom dokumentacijom.
- 2) Stručna služba/sekretar Fakulteta prisustvuje konstituirajućoj sjednici Komisije i otvaranju pristiglih prijava te konstatira njihovu blagovremenost i potpunost (urednost) u skladu s konkursom, o čemu izdaje odgovarajuću potvrdu koja čini sastavni dio Izvještaja Komisije.

Član 5.

(Nadležnosti Komisije)

- 1) Komisija iz člana 1. ovog Poslovnika je obavezna da po prijemu pristiglih prijava i dokumentacije:
 - a) pregleda sve pristigle prijave
 - b) utvrdi ispravnost pristiglih prijava i dostavljenih dokaza
 - c) rangira kandidate/kandidatkinje na osnovi odredbi Pravilnika o kriterijima za prijem specijalizanata ("Službene novine Federacije BiH" broj 102/13, 55/14 i 99/19)
 - d) sačini i putem Protokola Fakulteta dostavi Izvještaj s prijedlogom za izbor na usvajanje dekana Fakulteta.

Član 6.

(Mjesto zasjedanja Komisije)

Mjesto zasjedanja Komisije je Univerzitet u Sarajevu – Farmaceutski fakultet na adresi Zmaja od Bosne 8, Sarajevo.

Član 7.

(Način rada Komisije)

- 1) Komisija je u svom radu nezavisna.
- 2) Na prvoj sjednici Komisija usvaja Poslovnik o radu koji će urediti način rada i odlučivanja.
- 3) Komisija zasjeda u punom sastavu prilikom provođenja konkursne procedure – otvaranje prijava, pregled i razmatranje dokumentacije.
- 4) Komisija donosi odluku o rangiranju kandidata/kandidatkinja na osnovi odredbi Pravilnika o kriterijima za prijem specijalizanata ("Službene novine Federacije BiH" broj 102/13, 55/14 i 99/19).
- 5) Komisija donosi odluku većinom glasova.



- 6) Član Komisije koji se ne slaže s većinski donesenom odlukom može napisati izdvojeno mišljenje, ali ono ne može uticati na donesenu odluku.

Član 8.
(Vođenje zapisnika)

- 1) O toku sjednice Komisije vodi se zapisnik.
- 2) Zapisnik sadrži datum, mjesto, način i vrijeme održavanja sjednice, konstatacije, zaključke i prijedlog odluke Komisije.

III – PRELAZNE I ZAVRŠNE ODREDBE

Član 9.
(Izmjene i dopune Poslovnika)

Izmjene i dopune ovog Poslovnika vrše se na način i u postupku propisanom za njegovo donošenje.

Član 10.
(Stupanje na snagu)

Ovaj Poslovnik stupa na snagu danom donošenja i objavit će se na web stranici Univerziteta u Sarajevu – Farmaceutskog fakulteta.

ČLANOVI KOMISIJE:

Predsjednica: prof. dr Selma Škarbo

Članica: prof. dr Samija Muratović

Članica: prof. dr Tanja Dujić